

八瓊室金石補正

第三八冊

八瓊室金石補正卷七十九

太倉陸增祥撰

男 繼煇校錄

吳興劉承幹覆校

後梁

經幢二種

長壽寺宏哲尊勝幢記

高二尺三寸三分六面面廣二寸各三行行字大小均不

一正書
在洛陽

佛頂尊勝陀羅尼

□子歲九月上旬九日有故 內殿講論普明大師賜

紫宏拈俗姓李壽年七十二僧五十二遷化於 洛京

長壽寺 大師名傳海內諄導諸方誘勸百千万人懇

說三乘五性因緣將畢掩質禪拈雖 佛性無去無來

奈色身有去有住門人內講論大德德□四年募道廿

角從 師空思法乳之恩不覩 □悲之相遂收舍利

於灰中建幢壘於山寺同學師弟 內講論大德匡符

從行江浙被厯辛艱及歸 帝都鷲鴒義斷建幢刻石

用爲不朽 開平二年六月十四日記

右幢前刻尊勝咒建幢僧德□德下一字右半似

包佛性之性添註於旁募慕字之譌朽乃朽字之

誤

龍興寺鄭義尊勝等經幢記

下截斷缺高存一尺四寸三分八面面廣三寸

一分四行第八面五行存字
不一字徑四分正書在許州

佛頂尊勝陀羅尼真言

三行在弟一面
上方字徑六分

千手千眼觀世音菩薩廣大圓滿无障碍大悲心陀羅

尼神妙章

下缺

施龍興寺新羅漢堂永爲供養

許州游郭保

下缺

竊聞慈尊住世教演西天示現去來法傳東夏摩騰遠

降

口漢明具瞻褚善五嶽以招呼

下缺

憂劣於當初顯

靈通於

聖日鴻臚驛伴遂置三壇白馬寺前俱

焚二教是以慈雲高張於

下缺

之無盡今有滎陽施主

武甯軍

□□□

親王元從鄭義家寄瑕邱□當許下夙

懷鄭重建

下缺

鑄大悲心靈文佛頂而同時慶讚功圓而

刻就願心既滿今已荅酬佛有慈悲納斯上善妻王氏

男

下缺

福祐於家門保□榮於永世貞明三年歲次丁丑

十一月壬子朔二十六日辛丑敬佛弟子鄭義

下缺

右鄭義造幢在許州關帝廟不見撰書人名訪碑

錄有造龍興寺石幢記卽此其以爲鄭義撰書殊

誤鄭義乃建幢人也下截斷折以經文計之每行

約缺十六七字褚善當是諸善之譌優劣作憂古

字憂懼之憂本作憊優游之優本作憂畔作伴古

通通鑑目錄是年十一月丙子朔此書壬子碑蓋

誤丙爲壬也廿六日辛丑則朔日丙子無疑

崇福侯廟記

開平二年 萃編載卷一百 十九作鎮東軍牆隍廟記

篆額三行題崇福侯廟之記六字

牆隍

牆作牆後並同

傳於史冊

冊作冊

因遷公署

缺因字

湊

湊作湊據

龐

龐作龐

與西使始牧

作與漢牧三字

煖

煖作煖

劇

劇作劇

綏

綏作綏

額

願作願

永安吾土

永誤

右碑題重修牆隍廟兼奏進封崇福侯記而額稱崇

福侯廟之記顧甯人朱錫鬯但稱爲鎮東軍牆隍廟

記者未見其額也記文吳越王鏐撰前十行後八行字大徑寸中列敕文六行字大徑二寸許此式他碑所未見龐玉嘗守越州旣沒州人祀以爲城隍神至是請於朝而得封號敕文云頃因剖竹之辰實有披榛之績剏修府署綏輯吏民此其行事之略也玉之名唐書附見四世孫堅傳云嘗爲越州都督非總管又云爲領軍武衛二大將軍召爲監門大將軍不云右衛皆與碑文小異未知孰是碑末武肅署銜云啟聖匡運同德功臣云守侍中亦五代史所未載也

潛研

堂金石
文跋尾

碑立於開平二年歲在辰按是年吳越改元天寶而碑仍書梁號此與杭州慈雲嶺記篇首稱梁單闕之歲相同可見錢王當日雖僭號改元而於中原正朔未嘗竟削而不用也

兩浙金石志

新五代史稱梁太祖卽位封鏐吳越王兼淮南節度使舊五代史止言乾甯四年鏐乃兼鎮海鎮東兩藩節制梁祖革命以鏐爲尙父吳越國王此記作於開平二年結銜稱淮南鎮海鎮東等軍節度使梁祖敕亦云況錢鏐任隆三鎮功顯十臣與新史同而舊史不書兼淮南節度者闕文也

平津讀碑記

碑文有朝恩與西使始牧齊標句西使始牧四字未詳且與下句秦巒不對萬厯府志金石萃編兩浙金石志俱作漢牧但石刻實此四字不知諸書何所據也敕中以頃作傾二字古通用牆字王西莊十七史商權云牆從牀省聲不從土則俗體也武肅署銜攷吳越備史鎮海鎮東節度檢校太師守侍中兼中書令俱唐代所授惟封吳越王賜功臣號兼淮南節度乃梁開平元年所加敕封亦元年九月事立碑在次年爾 龐公莅越嘉泰會稽志言越州太守題名記與新唐書所載不同云詳馬萬頃所述傳而未加考

核馬傳志既不錄文亦別無所見余因爲訂正之按
題名記云武德元年十二月自武衛將軍授二年七
月除揚州都督新唐書傳云由領軍武衛二大將軍
爲梁州總管徙越州都督召爲監門大將軍記傳皆
出於宋代在是碑之後今碑稱右衛將軍總管則傳
誤而記得其實矣但記以爲元年所授殊未可信無
論高祖方受隋禪杜伏威李子通沈法興等蟠踞江
南未聞嚮化唐豈能踰境而命官一也舊唐書薛舉
傳秦王使將軍龐玉攻賊將高羅暉於淺水原淺水
原之戰高祖本紀繫在元年十一月是公方從太宗

西征無由至越二也唐書百官志武德七年始改總
管爲都督何得於二年七月有揚州都督之除三也
至揚州當係梁州由音近而訛可置弗論攷舊唐書
地理志曰越州中都督府隋會稽郡武德四年平李
子通置越州總管管越嶲姚鄴浙綱衢縠麗嚴婺十
一州因悟是時東南甫定越州實爲重地故特以簡
公子通之平在四年十一月公殆於十二月受命則
記所謂元年者四年之誤也題名記於公後列李嘉
闕校嘉云武德三年授校云武德四年六月自左領
軍將軍授按武德三年會稽方屬子通嘉果爲此官

則爲子通之將與輔公祐反淮南時命其黨左游仙
爲越州總管者事同一例記何必書若校則於六年
春夏之交從伏威入朝拜左領軍將軍至八月公祐
叛乃從趙郡王孝恭討之計其授官應在斯時唐書
本傳始末瞭然是記載校除官年月全非事實大約
公移梁州當在六年七月以前公祐肆逆時公已去
越故事蹟無所表著而越遂爲游仙所據使公在宜
有以制之矣余意此時總管當爲李嘉迨郡陷沒嘉
或死或罷而校代之是記所謂二年者非五年卽六
年之誤也惟記作由越徙梁而傳作由梁徙越事無

左證未知其孰是耳

越中金
石記

此碑疑經重刻故有西使始牧之訛

會稽鍾公墓誌

方一尺一寸四分廿三行行廿四字
字徑四分許正書間雜行體在洛陽

大梁故會稽□鍾公墓誌銘□□

夫鍾公者越國滁州人也名之祖諱□守本州都押衙
父諱□亦守本郡都押衙咸通八載□□土奄至蒼卒
終於本郡金□里葬於北李山當亡之日公年廿有三
後因大國□乱遂拋□也亦遂軍於他地亦効力於干
戈初投 梁主之日仰沐 □留特補節度押衙兼

充後博使主務一十三年至龍紀元年□□□同□□

令□□□□并主馬務加銀青光祿大夫檢校□子祭

酒□□□大夫上柱國至□□□□□其重課□

敢□□□之心□□□憂□□□□王□□心之

□□□其遐筭□□帝恩何□□□□□□□

甚請名醫而無□□神祇之不祐雖服五色之□□□

不□金□夕□□□忽□□風□□□之□□□

辛未□□月□生明享年六十有九終於□師□□□

□□□□□□至四月十九日葬於□東北邱山之

下□□□□□□□公有弟一人名景元先□□歿

有妹一人適□氏公□□□高氏之女生育四子女子

□人適□氏長男知□□□□□□□北□□□瑩之

東南地□□□次曰知進□□□□□日□□□□□

使公逝之後□□□□□□□□□次曰知□次□□□

□□□□□歷其出□□□□□□□□□之門□□□□

□□□

□□□□□□□氏惟公□□□□□時□佐□□主人

□□□□□□□□□□□□□□□□□□□□□

□失□□□□□□□□□□□□□德令後嗣□孫恕

□□□□孫女一人名小下泐此數字較小

右鍾公墓誌在洛陽存古閣鍾公之名似是遂字其祖若父名亦已曼患文前有龍紀元年字後云開□辛未□□月□生蓋開平辛未卽乾化元年是年五月始改乾化此志作於四月故尙稱開平也石已剝蝕拓亦不工所見如此而已

獲嘉李琮造象記

高三寸廣四寸五分八行行五字至七字不等字徑四分正書在洛陽

李琮懷州獲嘉續村人也奉爲殉亡過父母造觀世音菩薩願領此功德往生淨土見佛聞法大梁乾化五年乙

歲亥六月三日記

右李琮造象記在洛陽龍門山乾化爲梁太祖年
號無五年乙亥爲貞明元年稱乾化五年乙亥歲
者末帝仍稱乾化乙亥十一月始改元貞明也貞
明元年當唐天祐之十一年法字失刻添注於右
大字作反文

惠光舍利銘

高一尺一寸五分廣一尺一寸五分
十八行行字不一字徑五八分正書

大梁故牆西麗景門外北壁上上乾化三年春三月 長
老惠光和尙建置禪院至五年歲次乙亥三月庚辰朔